

Тәрә хуралгъна кӧдлмш тӧгсв

Кировин нертә қолхоз буудя культур хурадж авлгъна кӧдлмшән тӧгсәчкв. Ут-туршдан 6707 гектар тәрән хурагдв, терүнә 50 процентнъ хадлгън цоклгън хойринь онднъ келгънә аргъар хурагдв. Государствд 16000 центнер буудя ӧгдв.

Эн ик кӧдлмш амрар кегдсн уга. Тәрә хуралгъна болн госу-дарствд буудя ӧглгънә зураг ахр болзгт кӱцәхин төлә цуг колхозникуд, колхозин гардвр, колхозин партийн болн комсомольск организац эртәс авн гӱджрдж сән гидг белдвр бӱрдәлә. Тәрә хуралгъна зура сәәнәр диглгддж кегдәд, бригад-син хургудар, колхозин активд болн правленьд, партийн-комсомольск хургудар тәвгддж аль-бис халхарн зӧвчлгддж батлгдла.

Эн джилин тәрә хуралгънд бидн тӱрүн болдж ховадж ху-ралгъна эв-аргъ ӧргәр орулдж кеввдн. Тӱрӱләд манд лафетн жаткс кӱртджәсн уга билә. Болв колхоз сән цаг давуллго ла-фетн жаткс хәәгъәд, олн зӱсн аргъар жаткс олдж авад, тӱр-гәр хадлгънд орулвдн. Колхоз-никуд тәрәг жаткар хаддж ун-гъалгъна чинринь эврә гарарн бәрдж, сәәнәр медж авсиг тем-дгддж келх кергтә. Цуг тәрә-гъән шуд комбайнар, ховадж

хадлгън угагъар хурасн болж-ла, тәрә хуралгъна кӧдлмшән тиим ахр болзгт тӧгсгдж эс бол-лх бәәснъ ода ил медгдджәнә.

Тәрә хуралгъна кӧдлмшиг хадлгън цоклгън хойринь онд-нъ келгънд 4-ч болн 1-ч номер-тә бригадс кӧдлмшин сән ӱл-гӱр ӱзӱлчхәв. 4-ч номертә ком-плекси бригад (бригадирнъ ӱр И. И. Колесников) 755 гектар тәрәг ховадж хуралгъна ар-гъар 7 ӧдрин дунд хурадж авв, 1-ч номертә бригад (бригади-рнъ ӱр Л. Ф. Винников) бас 7 ӧдрин дунд 756 гектар тәрә хурав. Лафетн жаткин маши-нистнр ӱрмӱд М. П. Полон-ский болн А. В. Сергиенко 258 — 268 гектар тәрә хадцхав. Эдн ӧдр болгън дундлад 46-д гектар тәрә хадджав. 4-ч номе-ртә бригадин лафетн жаткин машинист Д. П. Колесников ӧдр болгън 32-д гектар хадад, 6 ӧдрин дунд 288 гектар тәрә хурав. Машинист В. Ф. Бедин ӧдртән 52 гектар тәрә хадджав.

Комбайнер И. С. Савченко «РСМ-8» комбайнар ӧдртән дундлад 42 гектар хадад, ут-туршдан 350 гектар тәрә хурав. Комбайнермӱд Д. С. Лагуткин болн И. Яковенко дундлад ӧдр болгън 48-50 гектар тәрә хура-гъад, теднәсн 902-950 центнер буудя цокджав. Винниковин,

Қолесниковин, Жевагина бри-гадс тәрә хуралгъан июлин 22-т тӧгсәд, соломан хурадж овалдж йовна. Эн гурвн брига-дар ут-туршдан 2000 гектар га-зрин агъуд солом хурагдв.

Малин хот белдлгънә кӧдл-мш тәрә хуралгънла харгъад, колхозин цуг кӧдлмшт илгъән ик чинвр гарсн бийнъ, колхоз-ин шофермӱд государствд буудя зӧбдж орулдж ӧглгънә кӧдлмшиг ӱзмджтә сәәнәр кӱ-цәв. 7-8 хонгин дунд Дивнә пун-ктур 24 мингън центнер буудя зӧбдж. Буудя зӧблгънд 20 автомашин орлцв. Шофермӱд С. С. Коротенко, А. С. Волохов «ЗИС-150» машингәр 20 кило-метр хаалгъд ӧдртән 9-10 рейс кегъәд тус-тустан 37 тонн буудя зӧвв. «ГАЗ-51» машинә шо-фер Н. А. Винников ӧдртән 13 тонн буудя зӧбджәв.

Социалистическ дӧрлдән то-драгъар бӱрдәдлә. Механи-затормудин урмдиг ӧддлӱлхин төлә мӧнъгнә иим мӧрә батлг-дла: ӧдрин кемджәгъән кӱцәсн шофермӱдин төлә 25 арслнъ, лафетн жаткин машинистгирин төлә—50 арслнъ, комбайнер-мӱдин төлә—50-75-д арслнъ мӧнъгнә мӧрә батлгдла. Эн мӧ-рә ӧдр болгън ӧгдджәв. Дакад сән кӧдлмш кӱцәсн бригадст Улан дарцг, выпел бас ӧгг-дв. Хамгин сән бригадт гидж гаргъсн 2 минъгън арслнъ мӧ-нъгнә мӧрә ода бийнъ ӧггдәд уга. юнъгад гихлә, эн мӧрән тө-лә дегцдән гурвн бригад мар-гъдж йовна. Энӱг колхозин правлень болн партийн органи-зац хәләгъәд, кенә бригадт ӧг-хин илгъхмн.

Ода цуг оньг, кӧлгн-кӱчн — эрдни-шишән силос дарлгънд, малин хот улм икәр белдлгънд, солом хуралгънд, намрин тәр-рәнд газр белдлгънд тәвгд-джәнә. КПСС-н ЦК-н июньск Пленумин шиидврәр ӧргмдж авсн колхозникуд эн джилин эдл-ахун кӧдлмшән тӧгсәд, мах, ӱс, тос, ноос гаргългъан улм икдӱләд, цуг делкәд ни-тӧвкнӱ бӱрдәлгънә кергт темд-гтә демән тәвхәр зӱткдж ноол-дж йовна.

Т. ЧУДИКОВ,

Приютненск района

Кировин нертә колхозин ахлач.